



PARLIAMENT

OF THE REPUBLIC OF SOUTH AFRICA

MEMO HO SETJHABA HO FANA KA BOPAKI HO KOMITI BAKENG SA KAROLO YA 194 YA PATLISISO – HO ETSA DIPATLISISO MABAPI LE HO TLOSWA OFISING HA MOSIRELETSI WA SETJHABA, ADV. BUSISIWE MKHWEBANE (BOIPILETSO BAKENG SA BOPAKI)

Komiti ya Karolo ya 194 Patlisiso (“Komiti”) e thehilweng ke Seboka sa Naha (“NA”) e etsa dipatlisiso ho latela karolo ya 194 ya Molatheo ho lekola diqoso tse fumanehang Tshisinyong e tekilweng ka la 21 Tlhakola 2020 ho NA ho qala tshebetso ya ho tloswa ha Mosireletsi wa Setjhaba, Adv. B Mkhwebane, ka mabaka a seo ho thweng ke ho hloka boitsebelo le/kapa boitshwaro bo bobo (“Tshisinyo”)

Maikemisetso a Dipatlisiso ke ho:

- lekola diqoso tse ho Tshisinyo e le ho bona hore na ebe **Adv. B Mkhwebane**, o fela a se na boitsebelo ebile/kapa o na le boitshwaro bo bobo; le
- ho tlahela NA ka seo e se fumaneng le dikgothaletso.

Komiti e mema batho ho tsebisa Komiti, ka ho ngola haeba ba lakatsa ho beha bopaki ka pela Komiti e tla thusa tlhahlobo ya yona ya Tshisinyo, pele ho la 23 Motsheanong 2022 le ho eletsisa tsebisong e jwalo hore na thuso ya ho etsa polelo tlasa kano kapa ho fana ka bopaki e a hloka. Dintlha tse felleltseng tsa boikopanyo di lokela ho kenyelletswa tsebisong e jwalo.

Motho ofe kapa ofe kapa mokgatlo o lakatsang ho fana ka bopaki mabapi le ditaba tse hlahiswang ke Tshisinyo o lokela ho etsa jwalo ka ho ngola le ka tlasa kano e hlapanyeditsweng kapa tumellano pele ho **12h00 ka la 3 Phupjane 2022**

Tsebisiso le bopaki bo boletsweng ka hodimo di tlameha ho fuwa Komiti ka:

- Imeili ho Mongodi wa Komiti, **Mong Thembinkosi Ngoma ho ngoma@parliament.gov.za (o fumaneha Mohaleng 083 709 8407)** kapa
- E romellwe ka khopi ya pampiri ka tlhophiso mmoho le Mongodi wa Komiti.

Motho kapa mokgatlo ofe kapa ofe, ha ho hlokeha, o ka kopuwa ho fana ka bopaki tlasa kano ka pela Komiti ho ya ka Molao wa Matla, Ditokelo le Boitshwaro ba Palamente le Makgotla a Ketsamolao a Diprovense, wa 2004 le melawana le mekgwatshebetso efe kapa efe e sebensang. Ha ho na bopaki bo sa bolelwang esale pele ka lengolo le etswang tlasa kano bo tla amohelwa.

Patlisiso e latela tlhahiso ya tlahelo e hlophisitsweng ke Moifo o Ikemetseng wa la 24 Tlhakola 2021 o kgothaleditseng, ka mabaka a boletsweng tlahelong ena, hore diqoso tse ho Tshisinyo di fetisetswe ho Komiti jwalo ka ha ho fannwe ka hara Melao ya NA.

Patlisiso e lokela ho etswa ka mokgwa o utlwalang le o hlokanang leeme, ka nako e loketseng.

Tse latelang di ka fumaneha ka elektroniki websaeteng ya Palamente www.parliament.gov.za a

- Tshisinyo e qalang Patlisiso hammoho le bopaki bo tshhehetsang;
- Karabelo ya Mosireletsi wa Setjhaba ho Tshisinyo;
- Tlahelo e tswang ho Moifo o Ikemetseng e fuweng NA;
- Melawana ya NA e tsamaisang ho tloswa; le
- Dipehelo tsa ditshupiso jwalo ka ha di amohetswe ke Komiti ka la 22 Tlhakola 2022 le tse ka fetolwang nako le nako.

E hlalisitswe ke Mohl. Mong QR Dyantyi, MP, Modulasetulo wa Komiti bakeng sa Karolo 194 ya Patlisiso.

**Parliament – Following up on our commitments to the People
– Making your future work better**